



Inatsisartuni ilaasortaq
Hans Aronsen

Apeqquut nr. 180-imut akissut

Asasara Hans Aronsen

Inatsisartut suleriaasianni § 37 naapertorlugu Naalakkersuisunut imatut apeqquutil-
liisimavutit.

Matumuuna Naalakkersuisunut apeqqutigissavara, aatsitassanik piaanissamik akuersissutinik tunniussinermi ingerlaannartumik royalty atuuttussanngorlugu isumaqatigiissutigineqarpat tamanna landskarsimut toqqaannartumik qanoq sunniuteqartussatut takorloorneqarnersoq.

Apeqquummut imatut tunngavissiissut nalunaarsimavat:

Taamatut apeqquteqarnermut tunngaviuvoq, Inatsisartut ukiaanerani matumani naliginnaasumik ataatsimiinnerat ammarlugu Naalakkersuisut siulittaasuat oqaaseqarnermini ilanngullugu eqqaammagu, London Miningimut isumaqatigiinniarnermi royaltymik akitsuuteqartitsinissaq ilungersorfiusimasoq massakkullu tamanna iluatsissimasoq.

Namminersornermut inatsisip iluani råstoffond pilersinneqartoq tunngavigalugu aatsitassarsiornermi akitsuutit fondimut isertinneqartut erniaat taakkuussapput landskarsimut aningaasalersuutaasussat.

Taavalu sulisut akilaarutaat, selskabillu akilaarutaat toqqaannartumik landskarsimut naliginnaasumik isertitassaallutik.

Akissut

London Miningip atuinissaq pillugu qinnuteqaataa akuersissutigineqassappat nunatta karsianut A-mik akileraarutit itunuk ilorraap tungaanut sunniuteqassaaq, suliniummut aningaasaliissutissat pisariaqartitat pissarsiarineqarsinnaassappata.

Aatsitassaqaarnermut aningaasaateqarfik pillugu inatsit atuutilerpat, ingerlatseqatigiinnut sinneqartoortunullu akileraarutit kiisalu royalty aatsitassaqaarnermi aningaasaateqarfimmut tussapput. Ukiumi naatsorsuiffimmi Namminersornerullutik Oqartussat aatsitassaqaarnermi isertitai minnerpaamik 5 millioner kr.-usutut nunatta karsiata naatsorsuutaanik takutitsisut Inatsisartut siullermeersumik akuersissutigineranni ukiup naatsorsuiffiup kingornatigut ukiumi 1. januaarimi pissaaq. Isertitatut ilutsit taakku

2. oktober 2013
Postboks 1601
3900 Nuuk
Tlf. (+299) 34 50 00
Fax (+299) 32 56 00
E-mail: isiin@nanoq.gl
www.nanoq.gl

namminersornermut inatsimmi isertitanut nassuiaatinut ilaapput, taamaattumillu naalagaaffiup Kalaallit Nunaannut tapiissutigisaannut sunniissallutik.

Namminersornermut inatsimmi isertitanut nassuiaatinut ilaasunik Namminersorlutik Oqartussanut isertitaqartoqqassappat ukiumi pineqartumi isertitat 75 mio. kr.-t sinnerlugit annertussusillit affaanut assingusunik naalagaaffiup Namminersorlutik Oqartussanut tapiissutai ikilisinneqassapput.


Aatsitassaqaqarnermi aningaasaateqarfimmut inatsimmi allassimavoq, ukiumi aningaasaqarfiusumi aatsitassarsiornermit isertitat ima annertutigilerpata naalagaaffiup Namminersorlutik Oqartussanut tapiissutaanik annikillisaanermik nassataqarlutik aatsitassaqaqarnermi aningaasaateqarfimmit aningaasanik akiliisoqarsinnaasoq. Taamatut pisoqarneratigut naalagaaffiup tapiissutaasa annikillissutaanut assingusumik nunatta karsianut akiliisoqarsinnaavoq.

Oqaatigineqartutut inunnut akileraarutit (A-mik akileraarutit) namminersornermut inatsimmi isertitanut nassuiaammii ilaanngillat, naalagaaffiullu tapiissutaanut sunniuteqassanatik. Inunnut akileraarutit nunatta karsiata aamma kommunit akornanni akileraartarnermut inatsisaasumi tamanna pillugu maleruagassat naapertorlugit agguataarneqassapput.

London Miningimi inuiaqatigiinnut piujuartussamik iluaqutaasumik sunniutaasussanik nalilersuineq (SIA) aallaavigalugu aatsitassarsiorfiup ukiunik 15-inik attanneqarsinnaaffianut royalty, ingerlatseqatigiiffimmut akileraarutit sinneqartoorutinullu akileraarutit aqqutigalugit isertitassat DKK 20-30 mia. kr.-t naatsorsuutigineqarput. Nunani tamalaani atugaasunit aki aalajangerneqarpoq, soorlu saviminissamat nunarsuarmi niuerfiusumi akiusutut, assartuineranut akiusutut, aningaasat nalingisa nikerarnerisut il.il. ittunit.

Tamatuma saniatigut A-mik akileraarutinit isertitaqassaaq, aatsitassarsiorfiup ukiunik 15-inik attanneqarsinnaaffianut DKK 3-4 mia.-nut missiliuutaasunik.

Inussiarnersumik inuulluagqusilluta



Jens-Erik Kirkegaard